



## **XALQ DEPUTATLARI JIZZAX VILOYATI KENGASHINING Q A R O R I**

2025-yil 15-may

VII-9-106-3-0-K/25

Jizzax viloyati

**XDFU**

### **Mahallalar faoliyati takomillashtirilishi munosabati bilan Jizzax viloyatidagi mahallalarni tuzish, birlashtirish, bo'lish va tugatish, shuningdek ularning chegaralarini belgilash hamda o'zgartirish kiritish masalalari to'g'risida**

O'zbekiston Respublikasi Prezidentining 2023-yil 21-dekabrda "Mahalla institutining jamiyatdagi rolini tubdan oshirish va uning aholi muammolarini hal etishda birinchi bo'g'in sifatida ishlashini ta'minlashga qaratilgan chora-tadbirlar to'g'risida"gi 209-sonli farmoni, 2023-yil 21-dekabrda "O'zbekiston mahallalari uyushmasi faoliyatini yo'lga qo'yish va mahallalarda boshqaruv tizimini takomillashtirishga oid qo'shimcha chora-tadbirlar to'g'risida"gi 402-sonli qarori hamda Vazirlar Mahkamasining 2024-yil 20-maydagi 294-sonli qarori talablari asosida Jizzax viloyati hokimligi huzuridagi Mahallalarni tuzish, birlashtirish, bo'lish va tugatish, shuningdek, ularning chegaralarini belgilash va o'zgartirish masalalari bo'yicha idoralararo komissiyasining viloyatdagi mavjud mahallalar faoliyati tashkiliy va moliyaviy jihatdan to'g'ri yo'lga qo'yilganligi, boshqaruv jihatdan o'zini oqlashi o'rganilgan hamda mahallalarni birlashtirish va ixchamlashtirish bo'yicha xulosasi hamda O'zbekiston Respublikasi "Mahalliy davlat hokimiyati to'g'risida"gi qonunning 6, 24-moddalariga asosan xalq deputatlari Jizzax viloyati Kengashi

### **QAROR QILADI:**

1. Jizzax viloyati hokimligi huzuridagi Mahallalarni tuzish, birlashtirish, bo'lish va tugatish, shuningdek, ularning chegaralarini belgilash va o'zgartirish masalalari Idoralararo doimiy komissiyaning xulosasi bilan berilgan takliflar ma'qullansin.
2. Jizzax viloyatida tugatiladigan, birlashtiriladigan va bo'linadigan mahallalar to'g'risida taklif 1-ilovaga va ro'yxati 2-ilovaga muvofiq tasdiqlansin.
3. O'zbekiston mahallalari uyushmasining Jizzax viloyati boshqarmasi (B.Soatov), "Mahalla yettiligi"ning viloyat boshqarma boshliqlari hamda tuman hokimlari bilan birgalikda:
  - Jizzax viloyatida tugatiladigan, birlashtiriladigan va bo'linadigan mahallalar to'g'risida aholi orasida tushuntirish targ'ibot ishlarini olib borish;

- birlashtirilayotgan mahallalarni nomlashda aholining fikrini inobatga olgan holda o'rnatilgan tartib bo'yicha hujjatlarni rasmiylashtirish;

- mahallalarni birlashtirish hisobiga bo'shayotgan mahalla fuqarolar yig'ini balansidagi binolaridan samarali foydalanish choralarni ko'rish va bo'shayotgan binolarda aholi uchun guzarlar, kutubxonalar va boshqa madaniy maskanlar faoliyatini yo'lga qo'yish;

- mahalla uyushmasining jamg'armasiga foyda keltirish maqsadida binoni hududiy tadbirkorlarga ijaraga berish va ish o'rinlarini yaratish;

- mahalliy hokimliklar bilan birgalikda fuqarolarni ro'yxatga olish bilan bog'liq masalalarda hamkorlik qilish choralarini ko'rsin.

4. O'zbekiston mahallalari uyushmasining Jizzax viloyati boshqarmasi (B.Soatov), viloyat Adliya boshqarmasi (A.Ergashev), viloyat davlat Soliq boshqarmasi (B.Ismoilov)lar hamda tuman (shahar) hokimlari bilan birgalikda:

- mahalla uyushmasining viloyat boshqarmasi, tuman bo'limlari qoshida viloyat Adliya hamda davlat Soliq boshqarma hamda hududiy bo'limlaridan mas'ul biriktirilgan holda Mahallalarni tugatish komissiyalarini tuzish;

- komissiya tomonidan belgilangan tartibda tugatilayotgan (birlashayotgan) mahalla fuqarolar yig'inlarining hujjatlarini rasmiylashtirish choralarini ko'rsin.

5. O'zbekiston mahallalari uyushmasining Jizzax viloyati boshqarmasi (B.Soatov), "O'zarxiv" agentligining Jizzax viloyati Arxiv ishi hududiy boshqarmasi (O'.O'razboyev), viloyat Ichki ishlar bosh boshqarmasi (G'.Qodirov), tuman hokimlari bilan birgalikda:

- tugatilayotgan mahalla fuqarolar yig'inlarining tegishli hujjatlarini Arxivga qabul qilish choralarini ko'rish;

- tugatilayotgan mahalla fuqarolar yig'inining muhr va shtamlarni Ichki ishlar bo'limlari tomonidan belgilangan tartibda rasmiylashtirilsin.

6. Kadastr agentligining viloyat boshqarmasi boshlig'i (N.Siddiqov)ga:

- tugatilayotgan mahallalar chegaralariga aniqlik kiritib, ularni birlashish bo'yicha xaritalarini chizish hamda kadastr hujjatlarini rasmiylashtirish;

- tugatilayotgan mahalla fuqarolar yig'inlariga tegishli bino va inshootlarni birlashgan mahalla fuqarolar yig'ini balansiga beg'araz o'tkazib berish choralarini ko'rish vazifalari yuklatilsin.

7. O'zbekiston mahallalari uyushmasining Jizzax viloyati boshqarmasi (B.Soatov), viloyat Kambag'allikni qisqartirish va bandlik boshqarmasi (J.Latipov), viloyat Oila va xotin-qizlar boshqarmasi (G.Normurodova), Ijtimoiy himoya milliy agentligining viloyat boshqarmasi (N.Mavlanova), viloyat Ichki ishlar boshqarmasi (G'.Qodirov), viloyat Yoshlar ishlari agentligi boshqarmasi (M.Raxmonberdiyev) va viloyat davlat Soliq boshqarmasi (B.Ismoilov) tuman hokimlari bilan birgalikda:

- tugatilayotgan mahalla fuqarolar yig'inlarining "Mahalla yettiligi" a'zolariga belgilangan tartibda ogohlantirish xatlarini berish, shuningdek, ikki oylik kompensatsiya pullarini ajratish;

- ishsiz qolayotgan yettilik a'zolarini belgilangan tartibda ish bilan ta'minlash choralarini ko'rish vazifalari topshirilsin.

8. O'zbekiston mahallalari uyushmasining Jizzax viloyati boshqarmasi (B.Soatov), tuman hokimlariga:

- O'zbekiston Respublikasining 2025-yil 11-fevraldagi "O'zbekiston Respublikasining ayrim qonun hujjatlariga o'zgartirish va qo'shimchalar kiritish

to'g'risida"gi 1027-sonli qonunining 1-moddasiga asosan Mahalla fuqarolar yig'ini raislari 5 yillik muddatga saylanishi inobatga olinsin;

- 2022-yilgi mahalla raisligiga bo'lib o'tgan saylov (may-iyun)dan so'ng saylanib, hozirgi kunda faoliyat yuritayotgan 232 nafar mahalla raislarining faoliyati 2025-yilning may-iyun oylarida o'tkaziladigan saylovgacha ekanligi ma'qullansin;

- 2025-yilning may-iyun oylarida viloyatdagi mavjud 304 ta mahalla fuqarolar yig'inlarida mahalla raisligiga bo'lib o'tadigan saylovdan boshlab tatbiq etilsin.

9. Viloyat hokimligi huzuridagi Mahallalarni tuzish, birlashtirish, bo'lish va tugatish, shuningdek, ularning chegaralarini belgilash va o'zgartirish masalalari bo'yicha idoralararo komissiyasiga:

- Mahallalarni tuzish, birlashtirish, bo'lish, tugatish va ularning chegaralarini belgilash hamda bir-biriga qo'shib ketayotgan mahallaning birini nomini saqlab qolinish yoki yangi nom berilishida mahalla aholisining takliflari inobatga olinsin;

- Mahallalarni tuzish, birlashtirish, bo'lish, tugatish va ularning chegaralarini belgilash jarayonida mahalla aholisi tomonidan kelib chiqadigan nizoli masalalarni belgilangan tartibda ko'rib chiqish vazifasi yuklatilsin.

10. Viloyat hokimligi Axborot xizmati (A.Binoqulov), viloyat Axborot va ommaviy kommunikatsiyalar boshqarmasi (U.Adilov), Jizzax viloyati teleradiokompaniyasi (E.Shermonov), "Jizzax haqiqati"- "Djizakskaya pravda" gazetasi (B.Nazarov) qarorni rasmiy nashrlarda va OAVlarda e'lon qilinishini ta'minlasin.

11. Ushbu qaror rasmiy e'lon qilingan kundan boshlab kuchga kiradi.

12. Mazkur qarorning ijrosini o'z vaqtida, sifatli ta'minlash vazifasi viloyat hokimining birinchi o'rinbosari Z.Azimov zimmasiga yuklansin.

13. Mazkur qarorning bajarilishi ustidan nazorat qilishni o'z zimmamda qoldiraman.

Xalq deputatlari Jizzax  
viloyati Kengashi raisi



SHUKUROV PARDA  
XXX

Xalq deputatlari Jizzax viloyati  
Kengashining  
2025-yil 15-maydagi  
VII-9-106-3-0-K/25 -son qaroriga  
1-ilova

**Viloyatda mavjud mahallalarni birlashtirish va ixchamlashtirish bo'yicha  
TAKLIF**

<b>T-r</b>	<b>Tuman (shahar) nomi</b>	<b>MFY soni</b>	<b>Qisqartirish mumkin bo'lgan mahalla soni</b>	<b>Qisqartirishdan keyin mumkin bo'lgan mahalla soni</b>
<b>Viloyat bo'yicha</b>		<b>309</b>	<b>5</b>	<b>304</b>
1	Arnasoy tumani	13	2	11
2	Baxmal tumani	34		34
3	G'allaorol tumani	35	1	34
4	Do'stlik tumani	12		12
5	Sharof Rashidov tumani	48		48
6	Zarbdor tumani	24	1	23
7	Zafarobod tumani	10		10
8	Zomin tumani	39		39
9	Mirzacho'l tumani	12		12
10	Paxtakor tumani	15		15
11	Forish tumani	25	1	24
12	Yangiobod tumani	8		8
13	Jizzax shahar	34		34

Xalq deputatlari Jizzax viloyati Kengashining  
2025-yil 15-maydagi  
VII-9-106-3-0-K/25 -son qaroriga  
2-ilova

**Jizzax viloyatida tugatilayotgan va birlashtirilayotgan mahallalar to‘g‘risida  
MA’LUMOT**

№	Tuman (shahar) nomi	Birlashtirila- digan mahalla nomi	shundan,			Qo‘shni mahallaga birlashtirilgandagi ko‘rsatkichlari				Izoh
			Hududi (GA)	Aholi soni	Xonadon soni	Mahalla nomi	Hududi (GA)	Aholi soni	Xonadon soni	
1	Arnasoy tumani	Zarafshon MFY	4541,1 ga	4387 nafar	558 ta	Baxtli MFY	3267,2 ga	6446 nafar	796 ta	Zarafshon MFY mahallasidan Baxtli MFY mahallasiga 4541,1 ga ga yer maydoni, 4387 nafar aholi, 558 ta xonadon qo‘shiladi
2	Arnasoy tumani	Gulbahor MFY	3020,8 ga	2823 nafar	417 ta	Do‘stlik MFY	6358,8 ga	5938 nafar	908 ta	Gulbahor MFY mahallasidan Do‘stlik MFY mahallasiga 3020,8 ga ga yer maydoni, 2823 nafar aholi, 417 ta xonadon qo‘shiladi
3	G‘allaorol tumani	O‘zbekiston MFY	613,36 ga	6132 nafar	1125 ta	Lalmikor MFY	360,635 ga	12176 nafar	2213 ta	O‘zbekiston MFY mahallasidan Lalmikor MFY mahallasiga 613,36 ga ga yer maydoni, 6132 nafar aholi, 1125 ta xonadon qo‘shiladi
4	Forish tumani	Istiqlol MFY	177027 ga	187 nafar	40 ta	"Darboza" MFY	211921 ga	308 nafar	85 ta	"Istiqlol" mahallasidan "Darboza" mahallasiga 177027 ga yer maydoni, 187 nafar aholi, 40 ta xonadon qo‘shiladi
5	Zarbdor tumani	Tozaurug‘ MFY	1183,84 ga	1883 nafar	263 ta	Yangiobod MFY	1332,166 ga	3441 nafar	662 ta	Tozaurug mahallasidan Yangiobod mahallasiga 1183,84 ga yer maydoni, 1883 nafar aholi, 263 ta xonadon qo‘shiladi